

< > < > < > < > < > < > < > < > < > < >

उपराज्यपाल मनोज सिन्हा हों श्री अमरनाथ जी दी यात्रा 2026 दे कामयाब संचालन लेई कल कैंई अधिकारिं दे हितधारकें गी सम्मानित कीता। एल.जी हों यात्रा दी कामयाबी लेई श्री अमरनाथ जी यात्रा श्राईन बोर्ड- सिविल प्रशासन- फौज- केन्द्री थेहारबंद बलें- जम्मू कश्मीर पुलस- सीमा सड़क संगठन बी.आर.ओ- मेडिकल टीम- यात्रा दौरान बक्ख-बक्ख सेवां प्रदान करने आहलें ते स्वयंसेवियें दे सांझे जतनें दी सराहना कीती। 3 जुलाई गी शुरु होई दी 57एं दिनें दी एह यात्रा 28 अगस्त रक्खड़ पुन्नेया आहले रोज सम्पन्न होई ते इस दौरान 10 दिन धोड़ी मौसम बड़ा मता खराब रौहने दे बावजूद 4 लक्ख 80 जहार कोला मते शरदालुएं अमरनाथें दी पवित्र गुफा च मत्था टेकेआ। एल.जी हों इस मौके साफ-सफाई दी बवस्था- 24 घंटे दिन-रात डाक्टरी सेवाएं- यात्रिं ते यात्रा दी रिअल टाइम निगरानी दे इंतजामें गी उजागर करदे ही इसी टीम जम्मू-कश्मीर दी इक बड़ी उपलब्धि करा दिता ते आखेआ जे एह बवस्था यात्रा लेई सांझी सेवाएं ते परोहनाचारी दी मसाल ऐ।

<><><><><><>

प्रधानमंत्री नरेन्द्र मोदी होरे कल अपने रेडियो कार्यक्रम “मन की बात” च श्री अमरनाथ जी दी यात्रा 2026 दौरान स्वच्छता ते कूड़े कचरे गी साइंसी ढंगे नै खपाने दे अपनाए गेदे तौर-तरीके दी सराहना कीती। उऩें आखेआ कि यात्रा दौरान पर्यावरण गी पूरी चाल्ती साफ सुथरा ते सुरक्षित रखने लेई यात्रा रस्ते च 8 ज्हार कोला मती थाहरें कूड़े-दानें ते कचरा प्रबंधन दियां बवस्था उपलब्ध कराइयां गेदियां हियां।

उ'नें दस्सेआ जे यात्रा दौरान 414 मीट्रिक टन कोला मता कूड़ा-कचरा इक्टठा करियै ओहदा सांइसी ढंगै नै नबेड़ा कीता गेआ तां जे यात्रा रस्ते च कुदरै बी नां ते गंदगी फैले ते नां गै पर्यावरण गी कुसै चाल्ली दा नुक्सान पुज्जै। उ'नें आखेया जे कूड़ा सुट्टने आहली थाहरां तैह करने कोला लेइयै- कूड़ा कठेरने- बक्ख बक्ख चाल्ली दे कूडे गी बक्खरा करने ते यात्रिणं च बी जागरुकता पैदा करने जनेह सारे कम्मं ते प्रक्रियाएं गी कामयाबी कन्नै तोढ चाढ़ेआ गया ते एह हिमालयाई क्षेत्र च पर्यावरण संरक्षण गितै- सब्भनें लेई इक मसाल ऐ।

<><><><><><><>

Dy. CM –Flyover Collapsed-2

उपमुख्यमंत्री सुरिंदर चौधरी होरें जम्मू च जाख-साम्बा ते सिधड़ा च उ'नें थाहरें दा दौरा लाया जित्थे दिल्ली- अमृतसर- कटड़ा एक्सप्रेस-वे लेई बना रदे फ्लाईओवर दे किश हिस्सें डिगने करी होए दे जानी ते माली नुक्सान दा जायजा लैता। इस मौके पर उनें सब्भनें अधिकारिये गी आखेआ जे ओह सुरक्षा सरबन्धी मानके दा पालन यकीनी बनान ते जवाबदेही तय करन। उ'नें नौशेरा दे मकरी गां च मुकामी लोके कन्नै मलाटी करियै बक्ख-बक्ख विकास सरबन्धी मुद्दे ते इलाके च चला रदे कम्मे बारे गल्लबात कीती। उ'नें लोके गी भरोसा दोआया जे उन्दी चैंतां पर गौर कीता जाग ते समे-सिर उन्दा हल कइडने ते बेहतर विकास लेई लोडचदी गेई पुटिट्यां जाडन

<><><><><><><>

Vendor Prog.

जम्मू च पैहली ते 2 सितम्बर गी बड़ी ब्राह्मणा इंडस्ट्रियल एसोसिएशन- साम्बा दे कांफ्रेंस हाल च दंऊ दिने दे CPSE स्तर दे विक्रेता विकास कार्यक्रम-2026 दी मेजबानी कीती जाग। MSME-DFO जम्मू आसेआ आयोजित इस कार्यक्रम गी भलेआं लौहके-लौहके ते दरम्यानें उद्यमें गी विक्रेताएं दे विकास-पंजीकरण ते कारोबारी सरबन्धे दा पता लाने दा मौका देने लेई तैयार कीता जाग।

प्रमुख प्रतिभागिं च Indian Oil, Power Grid, BPCL, NHAI, NHPC, BSNL, FCI जेम ते CRPF ते SSB जनेह रक्षा प्रतिष्ठान शामिल न। इस कार्यक्रम दा मकसद मुकामी MSME दे बड्डे संगठन बंशकार सिद्धे गल्लबात गी बढावा देना-कारोबार दे नमं मौके पैदा करना ते राश्ट्री आपूर्ति श्रृंखला कन्नै मुकामी उद्योग दे एकीकरण गी बढावा बी देना ऐ।

<><><><><><>

Tawi Wonderland

जम्मू च तवी वंडरलैंड पार्क इक जीवंत सांस्कृतिक केन्द्र बनी गेआ ऐ कीजे सैंकड़ा बद्दे परोआर- नौजवान ते सैलानी “Euphoria-An-Evening to celebrate Culture” नांs दे कार्यक्रम लेई जंदे रोज उत्थे किट्ठे होए। Jammu Smart City Ltd आस्सेआ आयोजित त्रंऊ घंटे दे इस कार्यक्रम च भावपूर्ण संगीत- ऊर्जा कन्नै भरोसे दे नाच ते रंग-बिरंगी रिवायती प्रदर्शन दा मिश्रण दिक्खने गी लब्बेया। मुख्य आकर्षण गणेश वंदना- डोगरी ते पंजाबी गीत- रिवायती डोगरी ते कश्मीरी नाच ते किश होर पंजाबी प्रस्तुतियां शामिल हियां। इस कार्यक्रम च मुकामी कलाकारें गी अपना हुनर दस्सने लेई इक बधिया मंच हासल होआ- जेहदे कन्नै सामुदायिक शमूलियत गी बढावा देने दे कन्नो-कन्नी जम्मू –कश्मीर दी सगगोसार सांस्कृतिक बिरसे गी बी बढावा थहोआ। जम्मू- साम्बा- कठुआ रेंज दे DIG पुलस श्रीधर पाटिल ते जम्मू Smart City Ltd दे CEO ते JMC कमिशनर डाक्टर देवांश यादव होर बी उत्थे मौजूद हे।

<><><><><><>

IFFJK Deadlines Extended

उब्भरदे फिल्म निर्माताएं गी इक खुशखबरी दिंदे होई IFFJK दे आयोजकें “इमर्जिंग फिल्म मेकर्स प्रतियोगिता-2026” दी समें-सीमा अगड़ी बधाई दिती गई ऐ- जेहदे कन्नै हर कुसै गी अपना हुनर दस्सन दा इक होर मौका थहोई गेआ ऐ। एहदे इलावा फिल्म दी बद्दोबद्द लंबाई बधाइयै 20 मिन्ट करी दिती गई ऐ जेहदे कन्नै फिल्म निर्माता अपनी कहानियें कन्नै होर मते रचनात्मक होई सकगंन।

IFFJK-2026 7 थमां 10 सितम्बर तगर श्रीनगर जम्मू ते गुलमर्ग च आयोजित कीता जाग। उब्भरदे फिल्म निर्माताएं गी अगर कोई मूल कहानी ते नमीं रचनात्मक अवाज थहोंदी ऐ ते उन्दे लेई ओह समां आई गेआ ऐ जित्थे ओह नमीं समें-सीमा तैहत अपनी फिल्म गी पंजीकृत कराइयै जमा करोआई सकदे न।

<><><><><><><>

JK-Weather

मौसम विभाग नै जम्मू-कश्मीर च अगले किश दिनें तगर आमतौरा पर गर्म ते गुम्मे आला मौसम बने दे रौहने दे असार न। पर विभाग नै इस दौरान किश थाहरें पर हलकी बरखा बरने दी बी पेशनगोई कीती ऐ। आकाशवाणी दे जम्मू संवाददाता नै जानकारी दिती ऐ जे मैहकमे दा आखना ऐ जे अज्ज ते कल टांवी-टांवी थाहरें पर हल्की बरखा बरी सकदी ऐ ते फही 2 सितम्बर शा लेइयै 7 सितम्बर तोड़ी किश थाहरें पर हौली बरखा बरी सकदी ऐ। करसानें गी मौसम सरबंधी परामर्श गी ध्यानै च रखदे होई गै बाइडी ते होर दुए राई-बाई सरबंधी कम्में गी जारी रखने दी सलाह दिती गेई ऐ।

<><><><><><><>